



**«GROSS KASKO GOLD»
ТРАНСПОРТ ВОСИТАЛАРИНИ ИХТИЁРИЙ
СУҒУРТА ҚИЛИШ УЧУН
ОММАВИЙ ОФЕРТА**

FK-112/K1,3,10

2-бет 20 бетдан
07.08.2024 й.



**«GROSS KASKO GOLD» ТРАНСПОРТ ВОСИТАЛАРИНИ
ИХТИЁРИЙ СУҒУРТА ҚИЛИШ УЧУН
ОММАВИЙ ОФЕРТА**

Ушбу «GROSS KASKO GOLD» транспорт воситаларини ихтиёрий суғурта қилиш учун оммавий оферта (бундан буён матнда Оферта деб юритилади) «GROSS SUG'URTA KOMPANIYASI» АЖнинг (бундан буён матнда Суғурталовчи деб юритилади) қуйидаги суғурта шартларида Суғурталовчининг ахборот тизимлари воситасида транспорт воситаларини ихтиёрий суғурта қилиш суғурта шартномасини (бундан буён матнда Суғурта шартномаси деб юритилади) тузиш юзасидан номаълум доирадаги жисмоний шахсларга йўлланган таклифи бўлиб ҳисобланади. Суғурталовчи ва Суғурта қилдирувчи Шартнома тарафларидир.

Ушбу Оферта шартларининг қабул қилиниши ва шартлашилган суғурта мукофотининг тўланиши унинг шартларини акцептлаш ҳамда Суғурта қилдирувчининг Суғурта шартномасини тузишга розилиги бўлиб ҳисобланади. Суғурта қилдирувчи томонидан суғурта мукофоти тўланганлиги факти тасдиқланганидан кейин унга электрон суғурта полиси юборилади ва Суғурта шартномаси тузилган деб ҳисобланади.

Суғурталовчининг суғурта ҳодисасини тан олиш ва суғурта тўловини тўлаш (суғурта амал қилишининг бошланиши) бўйича мажбуриятлари Суғурта қилдирувчи томонидан Суғурталовчининг исталган филиалларида кўздан кечириш (мониторинг) ва фото/видео қайд этиш учун транспорт воситаси тақдим этилгандан, шунингдек, Суғурталовчан транспорт воситасини (бундан буён матнда ТВ деб юритилади) ташқи кўздан кечириш далолатномаси имзолангандан кейинги кун кучга киради. Суғурта қилдирувчи томонидан суғурта полиси олинган пайтдан бошлаб 30 (ўттиз) кун мобайнида ТВни ташқи кўздан кечириш далолатномаси имзоланмаган тақдирда, Суғурта шартномаси амалга ошмаган деб топилиши мумкин ва тўланган суғурта мукофоти Суғурта қилдирувчининг Суғурталовчи раҳбариятига йўлланган ёзма аризаси асосида қайтарилиши лозим. Суғурта шартномаси амалга ошмаган деб топилганлиги муносабати билан суғурта мукофотини олиш учун Суғурта қилдирувчи суғурта полисида кўрсатилган муддат тугагунга қадар Суғурталовчига мурожаат қилиши керак.

Ўзбекистон Республикаси Фуқаролик кодексининг 370-моддасига мувофиқ, Оферта шартларини қабул қилиниши ушбу Оферта шартларини сўзсиз қабул қилинганлиги деб ҳисобланади ва у билан қуйидагиларга розилик ифодаланади:

– ушбу Оферта шартлари, жумладан унда баён қилинган суғурта шартларига розилик;

суғурта фаолиятини амалга ошириш мақсадида аризани тўлдиришда кўрсатилган шахсга доир маълумотлар билан автоматлаштирилган ёки автоматлаштирилмаган тарзда ишлов бериш йўли орқали 5 (беш) йил муддатга ишлашга, жумладан уларни йиғиш, тизимлаштириш, тўплаш, сақлаш, аниқлаштириш, улардан фойдаланиш, эгасиз қилиб қўйиш, блоклаш, йўқ қилиш (йўқ қилиш ҳақида хабардор қилмаган ҳолда), шунингдек, суғурта шартномасини бажариш, ички ҳужжат айланмасини таъминлаш мақсадида уларни учинчи шахсларга беришга розилик.

Суғурта қилдирувчи Суғурталовчининг интернет ресурси воситасида Суғурта шартномасини тузиш натижасида ўз ҳуқуқи ва муомалага лаёқатлигини тасдиқлайди, шунингдек, ўз зиммасига юклатилган мажбуриятлар юзасидан жавобгарликни англайди.



«GROSS KASKO GOLD»
ТРАНСПОРТ ВОСИТАЛАРИНИ ИХТИЁРИЙ
СУҒУРТА ҚИЛИШ УЧУН
ОММАВИЙ ОФЕРТА

FK-112/K1,3,10

3-бет 20 бетдан
07.08.2024 й.

Суғурталовчининг интернет ресурсида онлайн режимда Суғурта шартномасини тузиш учун Суғурта қилдирувчидан унинг электрон почта манзили ва мобил телефон рақами мавжудлиги талаб қилинади.

Суғурта қилдирувчи томонидан Суғурталовчининг интернет ресурсида Суғурта шартномасини тузиш учун зарур ва муҳим бўлган барча маълумотларни киритиш Суғурта учун ариза бўлиб ҳисобланади.

Суғурталовчи «Суғурта фаолияти тўғрисида»ги Ўзбекистон Республикаси Қонунининг 26-моддаси талабларига мувофиқ, Суғурта қилдирувчининг ва Суғурта шартномасида кўрсатилган бошқа жисмоний шахсларнинг шахсга доир маълумотлари сақланишини ва ошкор қилинмаслигини таъминлаш мажбуриятини ўз зиммасига олади.

«Оферта», «Суғурта шартномаси» ва «Суғурта полиси» ҳаволалари бундан буён матнда ушбу электрон ҳужжатга нисбатан бир хил аҳамиятга эга бўлади.

1-БЎЛИМ. УМУМИЙ ШАРТЛАР

1.1. Асосий тушунчалар:

1.1.1. **Суғурталовчи** – Ўзбекистон Республикасининг қонунчилигига мувофиқ ва Ўзбекистон Республикаси Молия вазирлиги томонидан берилган Лицензия асосида суғурта фаолиятини амалга оширадиган «GROSS SUG'URTA KOMPANIYASI» акциядорлик жамияти.

1.1.2. **Суғурта қилдирувчи** – Суғурталовчи билан Оферта шартларида Суғурта шартномасини тузган муомалага лаёқатли жисмоний шахс.

1.1.3. **Суғурта полиси** – Суғурта қилдирувчи ва Суғурталовчи ўртасида Оферта шартларида транспорт воситаларини ихтиёрий суғурта қилиш шартномаси тузилганлигини тасдиқловчи ҳужжат. Суғурта полиси суғурта қилдирувчининг электрон манзилига у суғурта мукофотини тўлиқ ҳажмда тўлаганидан кейин юборилади. Суғурталовчининг мажбуриятлари Суғурталовчи ва Суғурта қилдирувчи ёки уларнинг ваколатли шахслари томонидан ТВни ташқи кўздан кечириш далолатномаси имзолангандан кейинги кун кучга киради.

1.1.4. **Суғурта ҳодисаси** – Суғурта шартномасида назарда тутилган, Суғурта даврида ва Суғурта полисида кўрсатилган Суғурта ҳудудида содир бўлган, Суғурталовчининг суғурта товонини тўлаш мажбурияти юзага келадиган битта ёки амалда бир вақтда намоён бўлган бир нечта ҳодиса.

1.1.5. **Суғурта даври** – Суғурталовчининг суғурта товонини тўлаш бўйича мажбуриятлари амал қиладиган вақт даври. Суғурта даври тарафлар томонидан ТВни ташқи кўздан кечириш далолатномаси имзолангандан кейинги кундан эътиборан бошланади ва Суғурта шартномасининг амал қилиш муддати тугагунга қадар амал қилади.

1.1.6. **Суғурта шартномаси амал қиладиган давр** – Суғурта қилдирувчи томонидан Оферта шартлари қабул қилинган пайтдан бошланадиган ва Суғурта қилдирувчининг аризасида Суғурталовчининг сайтида кўрсатилган сана билан тугайдиган Суғурта шартномасининг амал қилиш муддати.

1.1.7. **Суғурта товони (суғурта тўлови)** – Суғурта шартномасида қайд этилган Суғурта ҳодисаси натижасида юзага келган зарарни қоплаш учун Суғурталовчи томонидан тўланадиган суғурта суммаси доирасидаги пул маблағлари суммаси.

1.1.8. **Транспорт воситалари** – Суғурта қилдирувчининг номига Ўзбекистон Республикаси қонунчилигида белгиланган тартибда рўйхатдан ўтказилган, ишлаб чиқарувчи корхона томонидан бутланган енгил автомобиллар. Такси хизматласини кўрсатиш мақсадида фойдаланиладиган, прокатга, ижарага бериладиган, тест-драйв, мусобақалар учун фойдаланиладиган ТВ, шунингдек, ишлаб чиқарилган йилидан бошлаб 20 (йигирма) йилдан ортиқ вақт давомида фойдаланиладиган ҳар қандай тоифадаги ТВ суғуртага қабул қилинмайди ва Компания уларнинг суғурта қилинганлиги учун жавобгар бўлмайди.



«GROSS KASKO GOLD»
ТРАНСПОРТ ВОСИТАЛАРИНИ ИХТИЁРИЙ
СУҒУРТА ҚИЛИШ УЧУН
ОММАВИЙ ОФЕРТА

FK-112/K1,3,10

4-бет 20 бетдан
07.08.2024 й.

1.1.9. **Суғурталанган ТВ** – Суғурта полисида кўрсатилган, Суғурта қилдирувчи номига рўйхатдан ўтказилган, ўзига нисбатан суғурта ҳимояси берилаётган ТВ.

1.1.10. **Суғурта суммаси** – суғурта ҳодисаси (суғурта таваккалчиликлари) бўйича Суғурта шартномасида белгиланадиган ва Суғурта полисида кўрсатилган пул маблағлари суммаси, унинг доирасида Суғурталовчи суғурта товонини Суғурта қилдирувчига ёки уни олишга ҳақли бўлган бошқа шахсга тўлаш мажбуриятини зиммасига олади.

1.1.11. **Суғурта қиймати** – ТВнинг Суғурта шартномаси тузилётган пайтда томонларнинг келишуви билан белгиланадиган ва Суғурта шартномаси тузилаётган кунда ТВ жойлашган жойдаги ҳақиқий (бозор) қийматига тенг бўлган, суғурта манфаати бўлган қиймати. Суғуртага қабул қилинаётган ТВнинг суғурта қиймати Компаниянинг www.gross.uz сайтида кўрсатилган худди шунга ўхшаш ТВнинг маълумотлари ва нархидан келиб чиққан ҳолда ва агар улар Компания сайтида кўрсатилмаган бўлса, Интернетдаги www.olx.uz ёки avtoelon.uz сайтларида кўрсатилган маълумотлар ва нархдан келиб чиққан ҳолда аниқланади.

1.1.12. **Якуний франшиза** – Суғурта полисида белгиланган франшизанинг қатъий суммаси, ундан Суғурта қилдирувчи томонидан эълон қилинган зарарлар Якуний франшизанинг миқдори нолга тенг бўлгунга қадар чегириб ташланади. Якуний франшиза лимити тугагандан сўнг, Суғурта қилдирувчи томонидан эълон қилинган барча кейинги зарарлар Суғурта шартномаси шартларига мувофиқ тўланади.

1.1.13. **ТВни нобуд бўлиши (йўқотилиши)** – суғурталанган ТВнинг уни тиклаш харажатлари унинг ҳақиқий қийматига тенг ёки ундан ортиқ бўладиган ҳолатдаги шикастланишини, шунингдек, Суғурталанган ТВнинг уни опқочиб кетиш натижасида йўқотилишини билдиради.

1.1.14. **ТВни шикастланиши** – Суғурталанган ТВнинг ва/ёки унинг алоҳида қисмлари ва деталларининг ЙТХ, предметларнинг қулаши ва/ёки урилиши, ён-ин, портлаш, сув тошқини, бўрон, довул, сел, жала, дўл, қалин қор ёғиши, яшин уриши, ер кўчиши, қор кўчкиси, ўпирилиш, ер чўкиши, ер ости сувларининг таъсири ва зилзила натижасида тасодифан жисмоний шикастланиши. Суғурталанган ТВга санаб ўтилмаган таваккалчиликлар натижасида етказилган шикастланишлар Суғурта шартномаси шартларига кўра қопланмайди.

1.1.15. **Ҳайдовчи** – транспорт воситасини бошқариш учун тегишли тоифадаги ҳайдовчилик гувоҳномасига эга бўлган ва Суғурталанган ТВни бошқариш учун қонуний асосга эга бўлган жисмоний шахс.

1.1.16. **Суғурта қилинган шахслар** – Суғурталанган ТВда суғурта ҳодисаси юз бериши пайтида бўлган ёки унга кираётган (ундан чиқаётган) ҳайдовчи ва йўловчилар.

1.1.17. **Жабрланганлар** – Суғурталанган ТВдан фойдаланиш чоғида юз берган суғурта ҳодисаси натижасида ҳаётига, соғлиғига зиён ва/ёки мол-мулкка зарар етказилган учинчи шахслар. Бунда Суғурта қилдирувчи, ҳайдовчи ва Суғурта қилинган шахслардан ташқари ҳар қандай шахслар учинчи шахслар деб тан олинади.

1.1.18. **Бахтсиз ҳодиса** – суғурталанган ТВнинг нобуд бўлиши ёки шикастланиши натижасида Суғурта қилинган шахсларнинг тан жароҳати олишини ёки организмнинг ички ва ташқи функцияларининг бошқа бузилишларини ёки Суғурта қилинган шахсларнинг ўлимини келтириб чиқарган тўсатдан юз берган қисқа муддатли ташқи ҳодиса.

1.1.19. **ЙТХ** – ТВнинг йўлда ҳаракатланиш жараёнида юзага келган, фуқароларнинг ўлимига ёки соғлиғига зиён етказилишига олиб келган, ТВ, иншоотлар, юklar зарарланган ёхуд бошқа моддий зарар етказилган йўл-транспорт ҳодисаси.

1.1.20. **ТВЭФЖМСҚ полиси** – «Транспорт воситалари эгаларининг фуқаролик жавобгарлигини мажбурий суғурта қилиш тўғрисида»ги Ўзбекистон Республикаси Қонунига ва Ўзбекистон Республикаси Вазирлар Маҳкамасининг 2008 йил 24 июндаги 141-сон қарори билан тасдиқланган Транспорт воситалари эгаларининг фуқаролик жавобгарлигини мажбурий суғурта



«GROSS KASKO GOLD»
TRANSPORT VOСITАЛАРИНИ ИХТИЁРИЙ
СУҒУРТА ҚИЛИШ УЧУН
ОММАВИЙ ОФЕРТА

FK-112/K1,3,10

5-бет 20 бетдан
07.08.2024 й.

қилиш қоидаларига мувофиқ транспорт воситаси эгасининг фуқаролик жавобгарлиги мажбурий суғурта қилинганлигини тасдиқловчи белгиланган намунадаги ҳужжат.

1.1.21. **Суғурта ҳодисаси тўғрисида далолатнома** – Суғурталовчи томонидан тузиладиган, Суғурта ҳодисаси юз берганлиги фактини тасдиқловчи ва Суғурта товони суммасини белгиловчи ҳужжат. Суғурта ҳодисаси тўғрисидаги далолатнома Суғурталовчининг, Суғурта қилдирувчининг ваколатли вакиллари, шунингдек, Суғурта товонини олиш ҳуқуқига эга бўлган бошқа шахс томонидан имзоланади.

1.1.22. **Ташқи кўздан кечириш далолатномаси** – Суғурта қилдирувчи томонидан ва Суғурталовчининг вакиллари томонидан тузиладиган ҳамда имзоланадиган ҳужжат бўлиб, унда суғурта қилиш бошланишига қадар ТВда мавжуд бўлган нуқсонлар (агар улар мавжуд бўлса) кўрсатилади ва улар бўйича Суғурталовчи зиммасида мажбуриятлар бўлмайди. Ташқи кўздан кечириш далолатномаси Суғурталовчининг ҳар қандай офисида фақат Суғурта қилдирувчи томонидан Суғурталовчининг вакиллари суғурта полисининг нусхаси ва суғуртага қабул қилинаётган ТВнинг техник паспорти тақдим этилганида тузилиши мумкин. ТВни ташқи кўздан кечириш далолатномасини тузиш учун Суғурта қилдирувчи Суғурталовчининг Мижозларни қўллаб-қувватлаш марказига 1166 қисқа рақами орқали кўнғироқ қилган ҳолда кўздан кечириш вақти ва жойи ҳақида олдиндан келишиб олиши, ўз фамилияси ва исмини, полис рақамини ва ўзига қулай бўлган кўздан кечириш жойини айтиши зарур.

1.1.23. **Суғурта ҳудуди** – Ўзбекистон Республикасининг ҳудуди.

1.1.24. **Наф олувчи** – ушбу Шартнома шартларига мувофиқ суғурта товонини олиш ҳуқуқига эга бўлган шахс, мазкур шахс сифатида қуйидагилар тан олинади:

мол-мулкни суғурта қилишда – суғурталанган ТВнинг мулкдори ёки Суғурта полисида кўрсатилган, қонун, бошқа ҳуқуқий ҳужжат ёки шартномага асосланган ҳолда мол-мулкни сақлашдан манфаатдор бўлган бошқа шахс;

Суғурта қилдирувчининг/ТВ ҳайдовчисининг фуқаролик жавобгарлигини суғурта қилишда – суғурталанган ТВдан фойдаланиш оқибатида ҳаёти, соғлиғи ва/ёки мол-мулкига зарар етказилган учинчи шахслар (жабрланганлар);

ҳайдовчи ва йўловчиларни бахтсиз ҳодисалардан суғурта қилишда – суғурталанган ТВда суғурта ҳодисаси юз бериши пайтида бўлган, шунингдек, унга қираётган ёки ундан чиқаётган ҳайдовчи ва йўловчилар, улар вафот этган тақдирда эса – меросхўрлар.

1.1.25. **Персонал суғурта суммаси** – пул маблағлари суммаси бўлиб, Суғурталовчи унинг доирасида битта шахсга суғурта товонини тўлаш мажбуриятини ўз зиммасига олади ва мазкур сумма Суғурта полисида кўрсатилган суғурта суммасини Суғурталанган ТВдаги ўтириш жойи сонига бўлиш йўли билан аниқланади.

1.2. Суғурта шартномасини тузиш тартиби ва унинг кучга кириши:

1.2.1. Ушбу суғурта шартномаси Суғурталовчи томонидан Суғурта қилдирувчига суғурта хизматларини сотиш ва кўрсатиш шартларини белгиловчи электрон ҳужжат ҳисобланади;

1.2.2. Суғурта шартномаси (суғурта полиси) Суғурта қилдирувчи томонидан Суғурталовчига ахборот тизимларидан фойдаланган ҳолда тақдим этилган маълумотлар асосида шакллантирилади;

1.2.3. Суғурта қилдирувчи электрон аризанинг тўлдирилиши шарт бўлган майдонларини мустақил равишда ва аризада кўрсатилган асл ҳужжатлар маълумотларига қатъий мувофиқ ҳолда тўлдиради;

1.2.4. Суғурта қилдирувчи аризада баён қилинган ҳужжатларнинг асл нусхалари билан айнан эканлиги ва ишончилиги учун жавобгарликни ўз зиммасига олади, шунингдек, ариза берилган ҳужжатлар уларнинг асл нусхаларига мос келмаганда, суғурта ҳодисаси юз берганда Суғурталовчи суғурта товони тўлашни рад этиш ҳуқуқига эга эканлигига розилик беради;

1.2.5. Аризада кўрсатилган ва киритилган ҳужжатларнинг маълумотлари автоматик тарзда Суғурта шартномасига (Суғурта полисига) киритилади.



«GROSS KASKO GOLD»
ТРАНСПОРТ ВОСИТАЛАРИНИ ИХТИЁРИЙ
СУҒУРТА ҚИЛИШ УЧУН
ОММАВИЙ ОФЕРТА

FK-112/K1,3,10

6-бет 20 бетдан
07.08.2024 й.

1.2.6. Суғурта шартномаси тузилгунга қадар Суғурта қилдирувчи суғуртага таклиф этилаётган транспорт воситасининг қийматини кўрсатган ҳолда суғурта учун тўловни мустақил равишда белгилаши ва суғурта суммасини ҳисоблаши мумкин. Бунда суғурта суммаси уларнинг ҳақиқий қийматидан ошмаслиги керак, ушбу қиймат қуйидагиларга асосан аниқланиши мумкин:

- Суғурта шартномаси тузилган санада ишлаб чиқарувчи корхона томонидан транспорт воситасининг худди шундай русуми ва моделига белгиланган, транспорт воситасининг эскириш миқдорига (фоизларда) камайтирилган сотиш нархи;
- савдо ташкилоти томонидан берилган маълумотнома-ҳисобварақлар ёки транспорт воситасининг олди-сотди шартномаси;
- транспорт воситасининг мустақил баҳоловчи томонидан амалга оширилган ҳақиқий қийматини баҳолаш.

1.2.7. Суғурталовчининг ахборот тизими ёрдамида Суғурта қилдирувчи транспорт воситасининг турига (русуми ва ишлаб чиқарилган йили) ва суғурта қопламасининг танланган вариантларига боғлиқ равишда суғурта суммасини мустақил равишда аниқлайди, Суғурталовчининг ахборот тизими эса Суғурта қилдирувчи томонидан кўрсатилган маълумотлар ва суғурта қопламасининг танланган вариантларидан келиб чиққан ҳолда суғурта мукофоти суммасини шакллантиради ҳамда Суғурта қилдирувчи шакллантирилган суғурта мукофоти суммасига рози бўлган тақдирда, уни тўлагунга қадар Суғурта қилдирувчи ушбу Оферта матни билан танишиш мажбуриятини зиммасига олади.

1.2.8. Суғурта суммаси суғурта қийматидан паст деб белгиланган тақдирда, суғурта ҳодисаси юз берганда Суғурталовчи Ўзбекистон Республикаси Фуқаролик кодексининг 936-моддаси талабларига мувофиқ Суғурта қилдирувчига (Наф олувчига) етказилган зарарни суғурта суммасининг суғурта қийматига нисбатига мутаносиб равишда тўлайди.

1.2.9. Суғурта қилдирувчи Оферта ва Қоидаларда таклиф этилган суғурта шартларига рози бўлган тақдирда Суғурталовчининг ахборот тизимида ўз рсзилигини тасдиқлайди ва Суғурталовчининг ахборот тизимларидан фойдаланган ҳолда Суғурта шартномасини тузиш учун аризани (бундан буён матнда Ариза деб юритилади) онлайн режимда тўлдиришга ўтади.

1.2.10. Аризани тўлдиришда Суғурталовчига суғурта ҳодисаси юз бериш эҳтимолини ва унинг юз беришидан кўрилиши мумкин бўлган зарарлар миқдорини (суғурта таваккалчилигини) аниқлаш учун муҳим аҳамиятга эга бўлган барча зарур маълумотлар кўрсатилиши талаб этилади. Барча маълумотлар ҳужжатларнинг асл нусхаларига қатъий мувофиқ равишда кўрсатилиши керак.

1.2.11. Ариза тўлдирилгандан сўнг Суғурталовчининг ахборот тизими «Суғурта мукофотини тўлаш ва Суғурта полисини расмийлаштириш» тугмасига кириш имкониятини автоматик тарзда очади.

1.2.12. Суғурта шартномаси тарафлари Суғурта қилдирувчининг Суғурта полисини олиши Суғурта шартномасининг (Суғурта полисининг) лозим даражада имзоланиши эканлигини тасдиқлайди.

1.2.13. Суғурта мукофоти Суғурта қилдирувчи томонидан тўланганлиги факти Суғурталовчининг ахборот тизими томонидан тасдиқланган сана ушбу Офертани акцептлаш ва Суғурта шартномасини тузиш санасидир.

1.3. Суғурта шартномаси (полислар) ҳақини тўлаш тартиби:

1.3.1. Суғурта шартномаси (полиси) ҳақи Суғурталовчи томонидан қўлланадиган ахборот (онлайн) тизимларидан фойдаланган ҳолда тўланади;

1.3.2. Тўлов тизимининг ҳимояланган каналига кейинги қайта йўналтириш учун ариза қабул қилинганлигини тасдиқлаш Суғурталовчи томонидан Суғурта қилдирувчи аризани тўлдираётганида кўрсатиб ўтган мобил телефон рақамига СМС-хабарни жўнатиш йўли билан амалга оширилади;



«GROSS KASKO GOLD»
ТРАНСПОРТ ВОСИТАЛАРИНИ ИХТИЁРИЙ
СУҒУРТА ҚИЛИШ УЧУН
ОММАВИЙ ОФЕРТА

FK-112/K1,3,10

7-бет 20 бетдан
07.08.2024 й.

1.3.3. СМС-хабар тасдиқлаш коди билан бирга олинганидан кейин Суғурта қилдирувчи электрон тўлов тизимини танлаши зарур, ундан кейин у суғурта мукофотининг ҳисобланган суммасини Суғурталовчининг ҳисоб рақамига ўтказиш учун танланган тўлов тизимининг сайтига автоматик тарзда қайта йўланади;

1.3.4. Суғурта полиси қиймати тўланганлиги ҳақидаги тасдиқ олинганидан кейин Суғурталовчининг ахборот тизими Суғурта полисини расмийлаштиришни электрон шаклда автоматик тарзда амалга оширади, уни Суғурта қилдирувчининг электрон почта манзилига йўллайди ва ундан кейин Суғурта полисининг серияси ва рақами, Суғурта полиси электрон тарзда жўнатилганлиги факти ҳақидаги маълумотларни ичига олган СМС-хабар жўнатилиши йўли билан Суғурта қилдирувчини хабардор қилади;

1.3.5. Суғурталовчи Тўлов провайдерининг ҳаракатлари/ҳаракатсизлиги учун, шунингдек, Суғурта қилдирувчининг электрон тўловлар тизими ва интернет орқали тўлаш билан боғлиқ ҳар қандай зарарлари ва таваккалчиликлари учун жавобгар бўлмайди;

1.3.6. Суғурта мукофотини банк картаси билан тўлаш бевосита Суғурта қилдирувчи (Наф олувчи) – карта эгаси томонидан амалга оширилиши керак. Агар Суғурта қилдирувчи банк картасини тўлов тўлаш учун бошқа шахсга берган бўлса, Суғурта қилдирувчи бу билан боғлиқ барча таваккалчиликларни ўз зиммасига олади ва мазкур ҳолатда суғурта мукофотини тўланиши Суғурта қилдирувчи томонидан амалга оширилган деб ҳисобланишига рози бўлади;

1.3.7. Оферта йўлланган шахс Суғурталовчининг ахборот тизимида «Суғурта мукофотини тўлаш ва Суғурта полисини расмийлаштириш» тугмасини босиш билан, шунингдек, шакллантирилган суғурта мукофотини тўлаган ҳолда Ўзбекистон Республикаси Фуқаролик кодексининг 370-моддасига мувофиқ мазкур Оферта шартларига рози эканлигини билдиради.

1.4. Суғурта шартномасини (суғурта полисини) Суғурта қилдирувчининг ташаббусига кўра муддатидан илгари тугатиш. Суғурта мукофотини қайтариш:

1.4.1. Агар Суғурта шартномаси кучга кирганидан кейин суғурта ҳодисаси юз бериши эҳтимоли йўқолса ва суғурта таваккалчилигининг мавжудлиги суғурта ҳодисасидан бошқа ҳолатларга кўра тугаган бўлса, Суғурта шартномаси ўзи тузилган муддат келишига қадар тугатилади. Бундай ҳолатларга хусусан қуйидагилар тааллуқли:

суғурталанган мол-мулкни суғурта ҳодисаси юз беришидан бошқа сабабларга кўра нобуд бўлиши;

тадбиркорлик таваккалчилигини ёки ушбу фаолият билан боғлиқ фуқаролик жавобгарлиги таваккалчилигини суғурта қилдирган шахс тадбиркорлик фаолиятини белгиланган тартибда тугатиши.

1.4.2. Суғурта шартномаси ушбу Офертанинг 1.4.1-бандида кўрсатилган ҳолатлар бўйича муддатидан илгари тугатилган тақдирда, Суғурталовчи суғурта мукофотининг суғурта амал қилган вақтга мутаносиб бўлган қисмини олиш ҳуқуқига эга.

1.4.3. Агар рад этиш пайтида ушбу Офертанинг 1.4.1-бандида кўрсатилган ҳолатлар бўйича суғурта ҳодисасини юз бериши эҳтимоли йўқолмаган бўлса, Суғурта қилдирувчи (Наф олувчи) суғурта шартномасини бажаришни исталган вақтда рад этишга ҳақли. Ушбу ҳолатда (Суғурта қилдирувчи ёки Наф олувчи шартномани муддатидан илгари рад этганида) Суғурталовчига тўланган суғурта мукофоти қайтарилмайди.

1.4.4. Бунда, агар ушбу Шартнома бўйича илгари суғурта товони тўланган ёки тўланиши лозим бўлса, у ҳолда тўланган суғурта мукофоти қайтарилмайди.

1.4.5. Суғурта шартномаси (Суғурта полиси) Суғурта қилдирувчининг ташаббусига кўра Суғурталовчининг манзилига бекор қилиш ҳақидаги ёзма аризани йўллаш орқали муддатидан илгари тугатилади.

1.4.6. Суғурта шартномаси (Суғурта полиси) Суғурталовчининг ташаббусига кўра фақат қонунчиликда ва суғурта шартномасида назарда тутилган ҳамда йўл қўйиладиган ҳолларда (бир томонлама тартибда) муддатидан илгари тугатилади.



**«GROSS KASKO GOLD»
ТРАНСПОРТ ВОСИТАЛАРИНИ ИХТИЁРИЙ
СУҒУРТА ҚИЛИШ УЧУН
ОММАВИЙ ОФЕРТА**

FK-112/K1,3,10

8-бет 20 бетдан
07.08.2024 й.

СУҒУРТАЛОВЧИНИНГ РЕКВИЗИТЛАРИ:

Тўлиқ номи:

«GROSS SUG'URTA KOMPANIYASI» акциядорлик жамияти

Почта манзили:

Ўзбекистон Республикаси, Тошкент шаҳри, Амир Темура кўчаси, 1-тор кўча, 6-уй
Электрон манзил (расмий интернет ресурси / электрон почта):
www.gross.uz / info@gross.uz

Давлат рўйхатидан ўтказилганлиги тўғрисидаги маълумотлар:

Жамият Ўзбекистон Республикаси Адлия вазирлиги томонидан
2011 йилнинг 17 ноябрида 103-сонли реестр рақами билан рўйхатдан ўтказилган.

Лицензия тўғрисидаги маълумотлар:

Ўзбекистон Республикаси Молия вазирлиги томонидан
2022 йилнинг 11 феврилида СФ 00028-сонли Лицензия берилган.

2-БЎЛИМ. СУҒУРТА ҲОДИСАСИ

Ушбу Шартномада кўрсатилган муддатлар, шартлар ва истисноларга мувофиқ Суғурталовчи қуйидаги кичик бўлимларда шартлашилган суғурта ҳодисаси юз берганда ва Суғурталовчининг суғурта суммаси доирасида нақд бўлмаган ҳисоб-китоб йўли билан суғурта товони тўлаш мажбурияти юзага келганда Суғурта қилдирувчининг/Наф олувчининг/Ҳайдовчининг/Суғурталанган шахснинг мулкӣ манфаатларига суғурта ҳимоясини тақим этади.

2.1. ТРАНСПОРТ ВОСИТАСЕНИ НОБУД БЎЛИШИ ЁКИ ШИКАСТЛАНИШИ

Ушбу кичик бўлим бўйича суғурта ҳодисаси содир бўлганда Суғурталовчи Суғурта полисида кўрсатилган суғурталанган транспорт воситасига бевосита қуйидаги қалтисликлардан суғурта ҳимоясини тақдим этади: сув тошқини, бўрон, довул, жала, дўл, кўп қор ёғиши, ер силжиши, кўчки, сел, яшин уриши, зилзила, ёнғин, портлаш, предметларнинг урилиши/қулаши, йўл-транспорт ҳодисаси, учинчи шахсларнинг ғайриқонуний ҳаракатлари.

2.1.1. Махсус тушунчалар

а) Суғурта ҳодисаси – суғурталанган ТВни ушбу Шартноманинг 2.1-кичик бўлимида кўрсатилган қалтисликлардан бири натижасида суғурта даврида су-урта ҳудудида содир бўлган нобуд бўлиши ёки шикастланиши.

б) Учинчи шахсларнинг ғайриқонуний ҳаракатлари – суғурталанган ТВнинг учинчи шахслар томонидан ёндирилиши, синдирилиши, шикастланиши, ТВ ёки унинг алоҳида қисмлари ўғирланиши, шунингдек, бошқа ҳуқуқбузарлик/қонунга зид/ноқонуний ҳаракатлар оқибатида нобуд бўлиши ёки шикастланиши.

в) Транспорт воситасининг нобуд бўлиши – ТВнинг уни тиклаш харажатлари унинг ҳақиқий қийматига тенг ёки ундан ортиқ бўладиган даражада зарарланиши. Транспорт воситасининг ўғирланиши унинг нобуд бўлишига тенглаштирилади.

г) Транспорт воситасининг ўғирланиши – транспорт воситаси ёки унинг агрегатлари, деталлари, тизимлари, узеллари, қурилмалари ва/ёки конструкциясининг элементларига ноқонуний эгалик қилиш мақсадида учинчи шахслар томонидан талон-торож қилиниши, олиб қочилиши, ўғирланиши, босқинчилик қилиниши.

д) Товар кўринишининг йўқотилиши – ушбу кичик бўлимда келишилган суғурта ҳодисаси натижасида кўрилган шикастларни бартараф этиш мақсадида амалга оширилган суғурталанган ТВни таъмирлаш ва тиклаш ишлари ҳамда об-ҳаво ва/ёки доимий таъсир этувчи омиллар оқибатида ҳақиқий қийматининг камайиши ва/ёки бошқа зарарни англатади.

е) Учинчи шахслар – Суғурта қилдирувчи, Наф олувчи ва Ҳайдовчидан бошқа ҳар қандай



«GROSS KASKO GOLD»
ТРАНСПОРТ ВОСИТАЛАРИНИ ИХТИЁРИЙ
СУҒУРТА ҚИЛИШ УЧУН
ОММАВИЙ ОФЕРТА

FK-112/K1,3,10

9-бет 20 бетдан
07.08.2024 й.

шахс.

2.1.2. Махсус қўшимча шарт

Ушбу билан томонлар агрегатлар, деталлар, тизимлар, узеллар, суғурталанган ТВ жамланмасига кирадиган қурилмалар (олиб қочишга қарши ҳар қандай воситалар, автомагнитола, товуш кучайтиргичлар, карнай/динамиклар, спорт дисклари, ҳар қандай турдаги антенналар ва ш.к.), агар улар ишлаб чиқарувчи корхона томонидан ўрнатилмаган бўлса ёки қўшимча жиҳозлар сифатида суғурталанмаган бўлса, шикастланиши, йўқ қилиниши, ўғирланиши билан етказилган зарар ушбу Шартнома бўйича қопланмаслигини тасдиқлайди ва бунга рози бўлади.

2.1.3. Махсус истиснолар

Қуйидагилар суғурта ҳодисаси деб тан олинмайди:

а) ТВнинг, шу жумладан унинг алоҳида деталлари ва узелларининг улардан фойдаланиш ва/ёки фойдаланмаслик оқибатида табиий эскириши. Аммо, ТВнинг табиий эскириши сабабли нобуд бўлиши ёки шикастланиши ушбу Шартнома бўйича қопланади;

б) суғурталанган ТВ товар кўринишининг йўқотилиши ва/ёки ишлаб чиқарувчи корхонанинг нуқсони;

в) қатнов йўлининг нотекислиги ёки ёмон ҳолати, ўткир жисмлар ва шу кабиларни босиш натижасида ғилдираклар ва/ёки шиналарнинг шикастланиши, агар уларнинг шикастланиши суғурталанган ТВ шикастланишига ёки нобуд бўлишига олиб келмаса;

г) Суғурта қилдирувчи/Наф олувчи/Ҳайдовчининг суғурталанган ТВни такомиллаштириш билан боғлиқ харажатлари;

д) Суғурта қилдирувчи/Наф олувчи/Ҳайдовчининг суғурталанган ТВдан фойдаланиш қоидаларини бузиши билан боғлиқ харажатлар.

2.2. УЧИНЧИ ШАХСЛАР ОЛДИДА ФУҚАРОЛИК ЖАВОБГАРЛИГИ

Суғурталовчи ушбу кичик бўлим бўйича суғурта даври мобайнида суғурта ҳудуди доирасида суғурталанган ТВдан фойдаланиш чоғида учинчи шахсларнинг ҳаёти, соғлиғи ва/ёки мол-мулкига зарар етказилганлиги учун Суғурта қилдирувчи/Наф олувчи/Ҳайдовчининг жавобгарлиги юзага келганида суғурта ҳимоясини тақдим этади, бунда суғурта ҳодисаси юз бериши билан Суғурталовчининг Суғурта қилдирувчи/Наф олувчи/Ҳайдовчи/жабрланувчига суғурта товони тўлаш мажбурияти юзага келади.

2.2.1. Махсус тушунчалар

а) Суғурта ҳодисаси – суғурталанган ТВдан фойдаланиш чоғида суғурта даври мобайнида суғурта ҳудуди доирасида учинчи шахсларнинг ҳаёти, соғлиғи ва/ёки мол-мулкига зарар етказилганлиги учун Суғурта қилдирувчи/Наф олувчи/Ҳайдовчининг фуқаролик жавобгарлигини юзага келиши.

б) Суғурта товони – ушбу Шартноманинг 2.2-кичик бўлимида шартлашилган суғурта ҳодисаси содир бўлганда Суғурта қилдирувчи/Наф олувчи/Ҳайдовчи/ жабрланувчиларга ушбу ушбу Шартномага илова қилинган Суғурта полисида кўрсатилган суғурта суммаси доирасида Суғурталовчи томонидан тўланадиган пул маблағлари суммаси.

в) Учинчи шахслар (Жабрланувчи (лар)) – Суғурта қилдирувчи / Наф олувчи / Ҳайдовчи / воқеа содир бўлган пайтда суғурталанган ТВда бўлган шахслардан ва суғурталанган ТВга чиқаётган ёки ундан тушаётган шахслардан ташқари суғурталанган ТВдан фойдаланиш чоғида ҳаёти, соғлиғи ва/ёки мол-мулкига зиён етказилган ҳар қандай шахслар.

2.2.2. Махсус истиснолар

Ушбу кичик бўлим бўйича қуйидагилар қопланмайди:

а) ҳар қандай турдаги ифлосланиш ва захарланиш;

б) мол-мулкдан фойдаланиш мумкин эмаслиги ва шу кабила оқибатида учинчи шахслар даромадининг йўқотилиши;

в) жабрланувчига етказилган маънавий зарар.



«GROSS KASKO GOLD»
ТРАНСПОРТ ВОСИТАЛАРИНИ ИХТИЁРИЙ
СУҒУРТА ҚИЛИШ УЧУН
ОММАВИЙ ОФЕРТА

FK-112/K1,3,10

10-бет 20 бетдан
07.08.2024 й.

2.2.3. Махсус шартлар

Суғурта қилдирувчи/Наф олувчи/Ҳайдовчи қуйидагиларга рози бўлади ва уларни тасдиқлайди:

а) Суғурталовчи билан келишмай ТВ билан боғлиқ воқеа мунссабати билан унга қўйилган талабларни қисман ёки тўлиқ тан олмаслик, етказилган зарарни ўз ихтиёри билан қопламаслик, шунингдек, бундай талабларни ҳал этиш ва тўлаш бўйича мажбуриятларни ўз зиммасига олмаслик;

б) Суғурталовчининг талабига кўра талаб ва даъволарни кўриб чиқиш, жабрланувчи билан келишувни имзолаш, ҳуқуқни муҳофаза қилиш идораларида, судда ва бошқа инстанцияларда қарши даъвони тузиш жараёнида Суғурта қилдирувчи/Наф олувчи/Ҳайдовчи манафатларини ифодалаш ҳуқуқини берувчи ёзма ишончнома бериш;

в) Суғурталовчи, агар лозим топса, судгача бўлган тартибда ушбу Шартнома доирасида тан жароҳатлари ва/ёки моддий зарар етказганлик ва суғурта товони тўлаш масаласи юзасидан талаб ёки даъвони ҳал этиш бўйича бевосита жабрланувчи билан ўзаро муносабатда бўлади.

2.3. СУҒУРТА ҚИЛИНГАН ШАХСЛАР БИЛАН ЮЗ БЕРГАН БАХТСИЗ ҲОДИСАЛАР

Суғурталовчи ушбу кичик бўлимга мувофиқ Суғурта қилинган шахслар суғурта даври мобайнида суғурта ҳудуди доирасида содир бўлган суғурталанган ТВда йўл-транспорт ҳодисаси натижасида тан жароҳати олганда суғурта ҳимоясини тақдим этади, бунда суғурта ҳодисаси юз бериши билан Суғурталовчининг суғурта таъминотини тўлаш мажбурияти юзага келади.

2.3.1. Махсус қўшимча шарт

Ушбу билан мазкур Шартнома тарафлари суғурта товонини олиш учун ҳодиса суғурталанган ТВга бевосита алоқадор бўлиши зарурлигини эътироф этади ва тасдиқлайди.

2.3.2. Махсус тушунчалар

а) Суғурта ҳодисаси – Суғурта қилинган шахснинг суғурта даври мобайнида суғурта ҳудуди доирасида суғурталанган ТВда йўл-транспорт ҳодисаси натижасида тан жароҳати олиши, бунда Суғурталовчининг суғурта товони тўлаш мажбурияти юзага келади.

б) Суғурта таъминоти – мазкур кичик бўлимда келишилган суғурта ҳодисаси юз берганида Суғурталовчи томонидан Суғурта қилдирувчига/Суғурта қилинган шахсга Суғурта полисида кўрсатилган суғурта суммаси доирасида тўланадиган қатъий белгиланган пул маблағлари миқдори.

в) Суғурта қилинган шахслар – суғурта воқеаси юз берган пайтда суғурталанган ТВда бўлган ҳайдовчи ва йўловчиларни англатади.

г) Йўловчилар – суғурта воқеаси юз берган пайтда суғурталанган ТВда бўлган ҳамда ундан тушаётган ёки унга чиқаётган шахслар (ҳайдовчидан ташқари).

2.3.3. Махсус истиснолар

Суғурта қилинган шахс ўз жонига қасд қилиши ёки бунга уриниши натижасида содир бўлган воқеалар ушбу Шартнома кўра суғурта ҳодисаси деб тан олинмайди.

3-БЎЛИМ. МАХСУС ШАРТЛАР

3.1. Суғурта қилдирувчи қуйидагиларни тасдиқлайди ва бунга розилик беради:

а) агар Суғурта қилдирувчи Суғурталанган ТВдан фойдаланиш натижасида учинчи шахсга (унинг меросхўри ёки ҳуқуқий ворисига) етказилган зарарнинг ўрнини Суғурталовчининг ёзма розилигисиз ҳар қандай усулда қоплаган ёки қоплаш бўйича ваъда берган бўлса, у ҳолда Суғурта қилдирувчининг (фуқаролик жавобгарлиги Суғурта полиси бўйича суғурталанган бошқа шахснинг) бу ҳаракатлари Суғурталовчи учун суғурта товонини тўлаш бўйича ҳеч қандай мажбуриятларни келтириб чиқармайди;

б) зарарни тугатишда (бартараф этиш, қоплаш ва/ёки компенсация тўлашда) ёки даъволар ва даъво аризаларини кўриб чиқишда, етказилган моддий зарарни кўздан кечириш далолатномаларини тузишда, жабрланганлар билан келишувларни имзолашда, ҳуқуқни муҳофаза



«GROSS KASKO GOLD»
ТРАНСПОРТ ВОСИТАЛАРИНИ ИХТИЁРИЙ
СУҒУРТА ҚИЛИШ УЧУН
ОММАВИЙ ОФЕРТА

FK-112/K1,3,10

11-бет 20 бетдан
07.08.2024 й.

қилувчи органларда, судда ва бошқа инстанцияларда қарши даъволарни тузишда Суғурта қилдирувчининг манфаатларини ифодалаш ҳуқуқи учун Суғурталовчининг талабига кўра унга ёзма ишончнома бериши шарт;

в) Суғурта қилдирувчи (жисмоний шахс) вафот этган тақдирда, Суғурта қилдирувчининг ҳуқуқ ва мажбуриятлари ТВни мерос тартибида қабул қилган шахсга ўтади. ТВга бўлган мулк ҳуқуқи бошқа шахсга ўтган бошқа ҳолларда Суғурта қилдирувчининг ҳуқуқ ва мажбуриятлари янги мулкдорга ўтмайди ва тегишинча суғурта тўхтатилади. Бунда тўланган суғурта мукофоти қайтарилмайди.

3.2. Суғурталовчи Суғурта даври бошлангунга қадар ТВда мавжуд бўлган шикастланиш учун жавобгар бўлмайди.

3.3. Суғурталовчи ушбу Қоидалар бўйича қуйидагиларни қопламайди:

а) Суғурталанган ТВ товар қийматининг йўқолиши ва ишлаб чиқарувчи корхонанинг нуқсони. Товар қийматининг йўқолиши ушбу Қоидаларда қайд этилган суғурта ҳодисаси натижасида, шунингдек, об-ҳаво ва/ёки доимий таъсир этувчи омиллар натижасида олинган шикастларни бартараф этиш мақсадида таъмирлаш-тиклаш ишларини бажариш натижасида суғурталанган ТВнинг ҳақиқий қиймати камайишини ва/ёки бошқа зарарни англатади;

б) қатнов қисмининг нотекислиги ёки ёмон ҳолати, ўткир предметларни босиб кетиши натижасида шиналар ва/ёки ғилдирак дискларининг шикастланиши, агар уларнинг шикастланиши Суғурталанган ТВнинг шикастланиши ёки нобуд бўлишига олиб келмаган бўлса;

в) суғурта ҳодисасидан келиб чиқиши мумкин бўлган Суғурта қилдирувчининг билвосита ва бошқа харажатлари (жарима, тиклаш таъмири вақтида меҳмонхонада яшаш, хизмат сафари харажатлари, даромадни йўқотиш, бекор туриб қолиш, кафолат муддати тугаши билан боғлиқ моддий зарарлар, маънавий зарар ва бошқалар), шунингдек, ҳар қандай бевосита ва билвосита солиқлар ҳамда зарур бўлганидан ортиқ бошқа харажатлар.

г) Суғурта қилдирувчининг Суғурталанган ТВни ўзгартириш ва/ёки такомиллаштириш билан боғлиқ харажатлари.

3.4. Агар Суғурталовчининг ёзма розилиги билан Суғурта қилдирувчи (фуқаролик жавобгарлиги Суғурта полиси бўйича суғурталанган бошқа шахс) жабрланувчига етказилган зарарнинг ўрнини ўз ҳисобидан қопласа, Суғурталовчи суғурта тоғонини Суғурта қилдирувчига (фуқаролик жавобгарлиги Суғурта полиси бўйича суғурталанган бошқа шахсга) у етказилган зарарнинг ўрнини қоплаш тартибида ўзи амалга оширган тўловларни тасдиқловчи ҳужжатлар тақдим этганидан кейин тўлайди. Суғурта қилдирувчи (фуқаролик жавобгарлиги суғурталанган бошқа шахс) томонидан жабрланувчига етказилган зарар ўз ҳисобидан қисман қопланган тақдирда, Суғурталовчи суғурта тўловининг тегишли қисмини Суғурта қилдирувчига (фуқаролик жавобгарлиги суғурталанган бошқа шахсга), қолган қисмини эса Жабрланувчига (унинг меросхўрига ёки ҳуқуқий ворисига) тўлайди. Жабрланувчи жисмоний шахснинг (унинг меросхўри ёки ҳуқуқий ворисининг) тилхати ёки юридик шахснинг суғурта тоғонини олганлиги тўғрисидаги ёзма тасдиғи Суғурта қилдирувчи томонидан зарарни қоплаш тартибида амалга оширилган тўловларни тасдиқловчи ҳужжатлар ҳисобланади.

Бунда:

юридик шахснинг ёзма тасдиғи ушбу юридик шахснинг муҳри билан тасдиқланган бўлиши керак;

жисмоний шахснинг тилхати нотариал тартибда тасдиқланган бўлиши керак, тилхат жисмоний шахс томонидан Суғурталовчининг ходими иштирокида паспорт ёки жисмоний шахснинг шахсини тасдиқловчи фотосурат туширилган бошқа ҳужжат кўрсатилган ҳолда ёзилган ҳоллар бундан мустасно.



«GROSS KASKO GOLD»
ТРАНСПОРТ ВОСИТАЛАРИНИ ИХТИЁРИЙ
СУҒУРТА ҚИЛИШ УЧУН
ОММАВИЙ ОФЕРТА

FK-112/K1,3,10

12-бет 20 бетдан
07.08.2024 й.

3.5. Ушбу Шартнома бўйича қуйидагилар оқибатида ва/ёки қуйидаги ҳолатларда содир бўлган ҳодисалар суғурта ҳодисалари деб эътироф этилмайди:

а) Суғурта қилдирувчи/Наф олувчи/Ҳайдовчи /Суғурталанган шахсининг суғурта ҳодисаси юз беришига қаратилган қасддан қилинган ҳаракатлари, улар томонидан ўз фуқаролик бурчини бажариш ёки Суғурталанувчи/Наф олувчи/Ҳайдовчи ёки учинчи шахсларнинг ҳаёти, соғлиғи, шаъни ва қадр-қимматини ҳимоя қилиш билан боғлиқ ҳаракатлар бундан мустасно;

б) Суғурта қилдирувчи/Наф олувчи/Ҳайдовчи томонидан Суғурталовчига била туриб ёлғон маълумотлар берилганлиги;

в) суғурталанган ТВни алкоғолли ва/ёки токсик ва/ёки гиёҳвандлик ёки ҳар қандай турдаги мастлик ҳолатида бошқариш;

г) ТВдан фойдаланиш шартларини белгиловчи ҳужжатнинг (йўриқнома, қоидалар, қўлланма, низом ва шу кабиларнинг) шартларини, ёнғин хавфсизлиги қоидалари, ёнғин ва портлаш хавфи моддалар ва предметларни ташиш қоидаларини бузиш;

д) Суғурта қилдирувчи/Наф олувчи/Ҳайдовчи томонидан суғурталанган ТВдан ҳайдашни ўргатиш ва/ёки мусобақа ва синовларда иштирок этиш мақсадида фойдаланиш;

е) Суғурта қилдирувчи/Наф олувчи/Ҳайдовчи ёки суғурталанган ТВни эксплуатация қилиш ёки бошқариш ишониб топширилган ҳар қандай шахс томонидан фирибгарлик ҳаракатлари ёки ҳар қандай виждонсизлик;

ж) тезлик режимини, суғурталанган ТВдан фойдаланиш қоидаларини бузиш, суғурталанган носоз ҳолатдаги ТВдан фойдаланиш;

з) темир йўл кесималаридан ўтиш қоидаларини бузиш светофорнинг тақиқловчи сигналида ўтиш ёки белгиланган йўналишга қарши ҳаракатланиш;

и) Суғурта қилдирувчи/Наф олувчи/Ҳайдовчи бундан хабардор ёки хабардор эмаслигидан қатъи назар, ушбу Шартноманинг амал қилиши бошланган пайтда суғурталанган ТВда мавжуд бўлган носозлик ва/ёки нуқсонлар;

к) суғурталанган транспорт воситасини Ўзбекистон Республикасининг амалдаги қонун ҳужжатларига мувофиқ транспорт воситасини бошқариш ҳуқуқи ва рухсатномасига (ҳайдовчилик гувоҳномаси, ишончнома ва шу кабиларга) эга бўлмаган шахс томонидан бошқариш. Мазкур банднинг шarti суғурталанган транспорт воситаси ўғирланган тақдирда қўлланмайди.

3.6. Ушбу Шартнома суғурталанган ТВга қуйида санаб ўтилган воқеалардан ҳар қандай биттаси оқибатида етказилган тўлиқ ёки қисман зарарни қопламайди:

а) ҳарбий босқинчилик ҳаракати, ҳарбий ҳаракатлар ёки ҳарбий ҳаракатларга ўхшаш ҳаракатлар (уруш эълон қилинган ёки қилинмаганлигидан қатъи назар), фуқаролар уруши;

б) исён, оммавий фуқаролар ғалаёнлари, миллий характердаги иш ташлашлар;

в) шахс ёки шахслар гуруҳи томонидан содир этилган террорчилик ҳаракатлари;

г) суғурталанган ТВни амалдаги қонунчиликка мувофиқ Ўзбекистон Республикаси суд органларининг қарорига кўра мажбурий бегоналаштириш оқибатида доимий ёки вақтинча мулкдан маҳрум қилиш.

3.8. Суғурталовчи зиммасида ушбу Шартномада кўрсатилмаган ва/ёки баён қилинмаган ҳар қандай мажбуриятларга нисбатан жавобгар бўлмайди.

4-БЎЛИМ. ТАРАФЛАРНИНГ ЖАВОБГАРЛИГИ

4.1. Суғурталовчи суғурта қилдирувчи томонидан ахборот тизимида ҳамма фойдаланиши мумкин бўлган шаклда тақдим этилган маълумотлар учун жавобгар бўлмайди.

4.2. Суғурталовчи ўз ваколати доирасидан ташқаридаги ҳодисалар ва ҳолатлар натижасида юзага келган салбий оқибатлар ва зарарлар, шунингдек учинчи шахсларнинг ҳаракатлари (ҳаракатсизлиги) учун, хусусан қуйидагилар учун жавобгар бўлмайди:

• Суғурта қилдирувчи томонидан тақдим этилган маълумотлар ва ҳужжатларнинг ишончсизлиги, етарли эмаслиги ва ўз вақтида тақдим этилмаганлиги ёки Суғурта қилдирувчи



«GROSS KASKO GOLD»
ТРАНСПОРТ ВОСИТАЛАРИНИ ИХТИЁРИЙ
СУҒУРТА ҚИЛИШ УЧУН
ОММАВИЙ ОФЕРТА

FK-112/K1,3,10

13-бет 20 бетдан
07.08.2024 й.

томонидан ушбу Оферта шартлари ёки ҳужжатларга қўйиладиган талаблар бузилганлиги оқибатида ўз зиммасига олган мажбуриятларни бажариш имконияти бўлмаган тақдирда;

- ҳужжатларнинг ҳақиқийлиги ва тўғри расмийлаштирилганлиги (улардаги маълумотларнинг ишончлилиги ва тўлиқлиги) учун;

- алоқа линиялари ишининг бузилиши, Суғурта қилдирувчи ускуналарининг носозлиги сабабли Суғурта қилдирувчи томонидан расмийлаштиришнинг имкони йўқлиги учун;

- суғурта қилишга тақдим этилаётган транспорт воситасини кўздан кечириш далолатномасини ўз вақтида расмийлаштирмаганлиги ва суғурталовчига боғлиқ бўлмаган сабабларга кўра Суғурта полисини топширмаганлиги ва шу кабилар учун.

4.3. Томонлар ушбу Оферта бўйича ўз мажбуриятларини бажармаганлиги ва/ёки лозим даражада бажармаганлиги учун ушбу Оферта ва Ўзбекистон Республикасининг амалдаги қонунчилигида белгиланган тартибда ва шартларда жавобгар бўлади.

4.4. Томонлар енгиб бўлмас куч (форс-мажор) ҳолатлари юзага келган тақдирда, ушбу Оферта бўйича мажбуриятларни лозим даражада бажармаганлиги ёки бажармаганлиги учун жавобгарликдан озод қилинади.

4.5. Ушбу Оферта бирор-бир қоидасининг суд томонидан ҳақиқий эмас деб топилиши бошқа қоидаларнинг ҳақиқий эмаслигига олиб келмайди.

5-БЎЛИМ. СУҒУРТА СУММАСИ, СУҒУРТА МУКОФОТИ

5.1. Ҳар бир суғурта таваккалчилиги бўйича суғурта суммаси қуйидаги тартибда белгиланади:

Ушбу Шартноманинг 2.1-бандида назарда тутилган суғурта таваккалчилиги бўйича суғурта суммаси мазкур Шартнома тузилаётган пайтда суғуртага қабул қилинаётган ТВнинг ҳақиқий (суғурта) қийматига тенг қилиб белгиланади ва ундан ортиқ бўлиши мумкин эмас.

Суғуртланган ТВнинг суғурта суммаси унинг суғурта қийматида н паст миқдорда белгиланган бўлса, Суғурталовчи суғурталанган ТВ билан суғурта ҳодисаси юз берганида Суғурта қилдирувчига/Наф олувчига уларга етказилган зарарни Ўзбекистон Республикаси Фуқаролик кодексининг 936-моддасига мувофиқ суғурта суммасини суғурта қийматига нисбатига мутаносиб тарзда қоплайди.

Ушбу Шартноманинг 2.2-бандида назарда тутилган суғурта таваккалчилиги бўйича суғурта суммаси тарафларнинг келишувига кўра белгиланади ва Суғурта полисида кўрсатилади.

Ушбу Шартноманинг 2.3-бандида назарда тутилган суғурта таваккалчилиги бўйича суғурта суммаси ҳам тарафларнинг келишувига кўра белгиланади ва Суғурта полисида кўрсатилади. Бунда Суғурталовчининг бир шахсга нисбатан жавобгарлиги персонал суғурта суммаси миқдори билан чекланади.

5.2. Ушбу Шартнома бўйича барча ўзаро ҳисоб-китоблар Ўзбекистон Республикасининг миллий валютаси «сўм»да амалга оширилади.

6-БЎЛИМ. ТАРАФЛАРНИНГ ҲУҚУҚ ВА МАЖБУРИЯТЛАРИ

Ушбу Шартнома амал қилиши даврида:

6.1. Суғурта қилдирувчи/Наф олувчи қуйидаги ҳуқуқларга эга:

а) Суғурталовчи билан келишилган ҳолда ушбу Шартномага ўзгартиш ва қўшимчалар киритиш;

б) ушбу Шартнома бўйича Суғурталовчининг маслаҳатларини олиш;

в) Суғурта полисини олиш;

г) суғурта ҳодисаси юзага келган тақдирда, ушбу Шартномада кўрсатилган суғурта суммаси доирасида суғурта товони олиш.

6.2. Суғурта қилдирувчи қуйидаги ҳуқуқларга эга:



«GROSS KASKO GOLD»
ТРАНСПОРТ ВОСИТАЛАРИНИ ИХТИЁРИЙ
СУҒУРТА ҚИЛИШ УЧУН
ОММАВИЙ ОФЕРТА

FK-112/K1,3,10

14-бет 20 бетдан
07.08.2024 й.

а) Наф олувчи ушбу Шартнома бўйича бирор-бир мажбуриятни бажаришига ёки Суғурталовчига суғурта товони ёки суғурта суммасини тўлаш тўғрисидаги талабни қўйишига қадар Суғурталовчини ёзма равишда хабардор қилган ҳолда Наф олувчини алмаштириш.

6.3. Суғурта қилдирувчи/Наф олувчи қуйидаги/Ҳайдовчи қуйидагиларни бажариши шарт:

а) суғурталанган ТВни ёнғин хавфсизлиги қоидаларига қатъий амал қилган ҳолда сақлаш, назорат органлари талаблари бажарилишини таъминлаш, тегишли транспортдан фойдаланиш қоидаларига риоя қилиши;

б) ушбу Шартнома тузилганида хабар қилинган ҳолатларда ўзига маълум бўлган сезиларли ўзгаришлар тўғрисида, агар ушбу ўзгаришлар суғурта ҳодисаси юз бериши таваккалчилик даражасини ошишига сезиларли таъсир қилиши мумкин бўлса, Суғурталовчига дарҳол, аммо 10 (ўн) иш кунидан кечикмай хабар қилиши.

Суғурталанган ТВни субижарага бериш, уни сотиш, ҳисобдан чиқариш, ЙҲХ органларида қайта рўйхатдан ўтказиш, ТВдан унинг техник мақсадларига хос бўлмаган мақсадларда фойдаланиш каби ўзгаришлар муҳим деб тан олинади;

в) ушбу Шартнома доирасида Суғурталовчига нисбатан суғурта товони тўлаш талабини келтириб чиқариши мумкин бўлган ҳодиса юз берган тақдирда, бу ҳақда Суғурталовчини мазкур Шартномада кўрсатилган муддатда ва усулда дарҳол хабардор қилиши;

г) ушбу Шартнома доирасида Суғурталовчига нисбатан суғурта товони тўлаш талабини келтириб чиқариши мумкин бўлган ҳодиса юз берган тақдирда, Суғурталовчининг розилигисиз ускуналарни демонтаж қилиш ёки ТВни таъмирлашга доир ҳеч қандай ишларни бошламаслиги;

д) ушбу Шартноманинг 7-бўлимида кўрсатилган, юз берган ҳодисанинг барча ҳолатларини ўрганиш учун зарур бўлган барча ҳужжатларни Суғурталовчига тақдим этиши;

е) суғурталанган ТВни эксплуатация қилиш ва унга хизмат кўрсатиш бўйича йўриқномага риоя қилиши, шунингдек, ундан фақат Ариза-анкетада кўрсатилган бевосита вазифасига кўра фойдаланиши;

ж) суғурталанган ТВни бошқаришга рухсат берилган шахслар эътиборига ушбу Шартнома талабларини етказиши;

з) ушбу Шартнома доирасида бирор-бир талабни асослаш мумкин бўлган ҳодиса юз берганида ТВни назоратсиз ва кейинги зарар ёки йўқотишларни бартараф қилиш учун кўриладиган тегишли чораларсиз қолдирмаслиги шарт. Агар ТВ Суғурталовчининг розилигисиз ҳаракатга келтирилган бўлса (хавфсизлик манфаатларида ёки ҳар қандай тегишли ҳокимиятнинг буйруқларини бажариш учун зарур бўлган ҳоллар бундан мустасно), у ҳолда зарарнинг ҳар қандай равишда ортиши ушбу Шартномага мувофиқ тўланадиган суғурта товони суммасидан чиқариб ташланади;

и) Суғурталовчи ёки унинг вакилларига ҳар қандай вақтда ТВ ва унинг қисмларини кўздан кечиришга тақдим этиши;

к) Суғурталовчи ҳисобига даъвони кўриб чиқиш ва регресс ҳуқуқини амалга ошириш мақсадида Суғурталовчи томонидан талаб қилиниши мумкин бўлган барча далолатномалар ва тартиб-таомилларни бажаришга рози бўлиши;

л) ушбу Шартнома амал қилиши даврида Суғурталовчидан олинган ахборотнинг сир сақланишини таъминлаши, Суғурта қилдирувчи ва Наф олувчи Ўзбекистон Республикасининг амалдаги қонунчилигига мувофиқ давлат органларига ахборот тақдим этиши шарт бўлган ҳоллар бундан мустасно;

м) ҳодиса ҳақида у содир бўлган жойда баённома ёки маъмурий ҳужжат албатта тузилган ҳолда ҳуқуқни муҳофаза қилиш органларига (ЙҲХ, ЁХБ, ИИБ ва бошқаларга) дарҳол хабар қилиши шарт.

6.4. Суғурталовчи қуйидаги ҳуқуқларга эга:

а) суғурта ҳодисаси юз бериши эҳтимолини камайтиришга қаратилган олдини олувчи



«GROSS KASKO GOLD»
ТРАНСПОРТ ВОСИТАЛАРИНИ ИХТИЁРИЙ
СУҒУРТА ҚИЛИШ УЧУН
ОММАВИЙ ОФЕРТА

FK-112/K1,3,10

15-бет 20 бетдан
07.08.2024 й.

тадбирларни ўтказиш;

б) суғурта ҳодисаси юз бериши таваккалчилиги даражасини тавсифловчи қўшимча ҳужжатларни талаб қилиш. Ушбу Шартнома амал қилиши даврида таваккалчилик даражаси ўзгарган тақдирда, суғурта мукофотининг миқдори вазиятга боғлиқ равишда ошириш ёки камайтириш томонга қайта қўриб чиқиши мумкин;

в) Суғурта қилдирувчи/Наф олувчи/Ҳайдовчи томонидан тақдим этилган ахборотни, шунингдек, улар томонидан ушбу Шартнома шартлари бажарилишини текшириш;

6.4.1. Суғурта товони тўлашни рад этиш:

а) Суғурта қилдирувчи/Ҳайдовчи/Наф олувчи томонидан ушбу Шартнома бўйича ўз зиммасига олинган мажбуриятлар бажарилмаган ёки лозим даражада бажарилмаган тақдирда;

б) агар Суғурта қилдирувчи/Ҳайдовчи/Наф олувчи суғурта ҳодисаси юз берганлиги тўғрисидаги хабарномадан кейин суғурта ҳодисасининг мавжудлиги, характери ва сабабларини аниқлаш учун зарур бўлган ҳужжатлар/материаллар ва маълумотларни 60 (олтмиш) кун ичида тақдим этмаган бўлса;

в) агар Суғурта қилдирувчи/Наф олувчи/Ҳайдовчи зиён етказган шахсга нисбатан даъводан ёки унга қўйиладиган талабларни амалга оширишни таъминлайдиган ҳуқуқлардан воз кечса, шунингдек регресс талабини қўйиш учун зарур бўлган ҳужжатларни Суғурталовчига беришни рад этса.

6.4.2. Суғурталовчи юз берган ҳодисани, агар зарар миқдори суғурталанган ТВ суғурта суммасининг 5 (беш) фоизидан ошмаса, ушбу Шартнома 7.2.1-бандининг «б» кичик бандида назарда тутилган ҳужжатларни талаб қилмаган ҳолда суғурта ҳодисаси деб тан олиши тўғрисида қарор қабул қилиш ҳуқуқига эга.

6.4.3. Суғурталовчи ушбу шартномада келишилган муддатда суғурта мукофоти (ёки унинг қисми) тўланмаган тақдирда, ушбу суғурта шартномасининг амал қилишини бир томонлама тартибда бекор қилиш ҳуқуқига эга ва демак тўлов муддати тугаган пайтдан (навбатдаги тўлов тўланиши керак бўлган санадан) эътиборан Суғурта шартномасининг амал қилиши тугатилади ҳамда у ўз юридик кучини йўқотади (автоматик тарзда бекор қилинади) ва Суғурталовчи учун суғурта товонини тўлаш бўйича ҳеч қандай мажбуриятларни келтириб чиқармайди.

6.5. Суғурталовчи қуйидагиларни бажариши шарт:

а) ушбу Шартномада белгиланган муддатларда Суғурта полисини бериши;

б) барча зарур ҳужжатлар қабул қилинганидан ва суғурта ҳодисаси юз берганлиги факти тан олинганидан кейин ушбу Шартномада келишилган миқдорда ва муддатларда суғурта товони тўлаши;

в) ушбу Шартнома бўйича Суғурта қилдирувчига маслаҳатлар бериши;

г) ушбу Шартнома амал қилиши даврида Суғурта қилдирувчидан/Ҳайдовчидан/Наф олувчидан олинган ахборотни сир сақланишига риоя қилиши шарт, Суғурталовчи Ўзбекистон Республикасининг амалдаги қонунчилигига мувофиқ давлат органларига ахборот тақдим этиши шарт бўлган ёки Суғурта қилдирувчининг/Наф олувчининг тегишли ёзма розилиги мавжуд бўлган ҳоллар бундан мустасно.

7-БЎЛИМ. ДАЪВОНИ КЎРИБ ЧИҚИШ

7.1. Ушбу Шартнома доирасида суғурта товони тўлаш бўйича Суғурталовчига талабни асослаб бериши мумкин бўлган ҳодиса юз берган тақдирда, Суғурта қилдирувчи/Наф олувчи/Ҳайдовчи қуйидагиларни бажариши шарт:

7.1.1. ушбу Шартноманинг 2.1 ва 2.2-кичик бўлимларида келишилган воқеа юз берган тақдирда, Суғурта қилдирувчи/Наф олувчи/Ҳайдовчи воқеа юз берганлиги ҳақида бундан хабар топган пайтдан эътиборан дарҳол, аммо 5 (беш) иш кунидан кечикмай, бу ҳақда Суғурталовчини ёзма равишда хабардор қилиши шарт. Ушбу Шартноманинг 2.3-кичик бўлимида келишилган воқеа юз берган тақдирда, Суғурта қилдирувчи/Суғурта қилинган шахс Суғурталовчини Суғурта



«GROSS KASKO GOLD»
ТРАНСПОРТ ВОСИТАЛАРИНИ ИХТИЁРИЙ
СУҒУРТА ҚИЛИШ УЧУН
ОММАВИЙ ОФЕРТА

FK-112/K1,3,10

16-бет 20 бетдан
07.08.2024 й.

қилдирувчи/Суғурта қилинган шахс воқеа содир бўлганлиги ҳақида билган пайтдан эътиборан 30 (ўттиз) кун ичида ёзма равишда хабардор қилиши;

7.1.2. воқеа ҳақида у содир бўлган жойда зарур ҳужжатлар (баённома ёки маъмурий ҳужжат) албатта тузилган ҳолда дарҳол ҳуқуқни муҳофаза қилувчи органларга (ЙХХ, ЁХБ, ИИБ ва бошқаларга) ариза бериши шарт.

Мазкур талаб зарар миқдори суғурта суммасидан 5% дан ошмаган тақдирда шарт бўлмайди, бундан учинчи шахслар иштирокидаги ЙТХ, ёнғин, портлаш ёки учинчи шахсларнинг гайриқонуний хатти-ҳаракатлари натижасида юз берган суғурта воқеалари мустасно;

7.1.3. Суғурталовчига шикастланган ТВни кўздан кечириш учун тақдим этиши ва тиклаш ишлари амалга оширилишига қадар ТВнинг барча шикастланган қисмларини фотосуратга ёки видеотасвирга тушириши шарт.

7.2. Суғурта ҳодисаси юз берганлиги ҳақидаги ёзма аризага Суғурта қилдирувчи/Наф олувчи қуйидаги ҳужжатларни илова қилиши керак:

7.2.1. ТВ нобуд бўлганида ёки шикастланганида:

а) Суғурта полиси;

б) юз берган ҳодисанинг ҳолатларини текширишни ўтказишга ваколати бўлган тегишли ваколатли органлардан ҳодиса сабаблари ва ҳолатлари кўрсатилган ҳолда материаллар (қарор, ҳайдовчиларни тиббий текширувдан ўтказиш тўғрисидаги маълумотнома ва бошқалар).

Ушбу банднинг «б» кичик бандида кўрсатилган ҳужжатларни тақдим этиш зарар миқдори мазкур Шартноманинг 2.1.1-бандида белгиланган суғурта суммасидан 5% дан (беш фоиздан) ошмаган ва зарар учинчи шахслар иштирокидаги ЙТХ, ёнғин, портлаш ёки учинчи шахсларнинг гайриқонуний хатти-ҳаракатлари натижасида юз бермаган тақдирда шарт бўлмайди;

в) ТВни рўйхатдан ўтказилганлиги гувоҳномаси (техник паспорти);

г) ҳайдовчилик гувоҳномаси;

д) йўл варақаси, ишончнома ёки ТВга эгалик қилиш, ундан фойдаланиш ёки уни тасарруф қилиш ҳуқуқи учун ишончнома тенглаштирилган бошқа ҳужжат;

е) баҳолаш фаолиятини амалга ошириш учун лицензияга эга баҳолаш ташкилоти томонидан тузилган барча ишлар, эҳтиёт қисмлар ва материаллар кўрсатилган ҳолда Моддий зарарни баҳолаш калькуляциянинг нусхаси.

7.2.2. ТВ ёки унинг агрегатлари, деталлари, тизимлари, узеллари, қурилмалари ва/ёки конструкцияси элементлари ўғирланганида, шунингдек, ТВ ўғирланиши натижасида нобуд бўлган ёки шикастланган тақдирда:

а) Суғурта полиси;

б) юз берган воқеанинг ҳолатларини текширишни ўтказишга ваколати бўлган тегишли ваколатли органлардан ҳодиса сабаблари ва ҳолатлари кўрсатилган ҳолда маълумотнома;

в) ТВ ни рўйхатдан ўтказилганлиги гувоҳномаси (техник паспорти);

г) йўл варақаси, ишончнома ёки ТВ га эгалик қилиш, ундан фойдаланиш ёки уни тасарруф қилиш ҳуқуқи учун ишончномага тенглаштирилган бошқа ҳужжат;

д) ТВ нинг агрегатлари, деталлари, тизимлари, узеллари, қурилмалари ва/ёки конструкцияси элементлари ўғирланганида – баҳолаш фаолиятини амалга ошириш учун лицензияга эга баҳолаш ташкилоти томонидан тузилган барча ишлар, эҳтиёт қисмлар ва материаллар рўйхати кўрсатилган ҳолда Моддий зарарни баҳолаш калькуляциянинг нусхаси.

7.2.3. Жабрланганларга тан жароҳатлари ва/ёки моддий зарар етказилган тақдирда:

а) суғурта полиси;

б) содир бўлган воқеа муносабати билан Суғурта қилдирувчи/Наф олувчи/Ҳайдовчи томонидан олинган ҳужжатлар (учинчи шахснинг даъво аризаси, хатлар, қақирқлар ва бошқалар);

в) ваколатли органларнинг (ЙХХБ ва/ёки суд ва шу кабиларнинг) ЙТХ ҳақидаги хулосаси ёки Қарори;

г) жабрланганлар шахсини тасдиқловчи ҳужжатлар.

7.2.4. Суғурта қилинган шахслар тан жароҳатларини олган тақдирда:



«GROSS KASKO GOLD»
ТРАНСПОРТ ВОСИТАЛАРИНИ ИХТИЁРИЙ
СУҒУРТА ҚИЛИШ УЧУН
ОММАВИЙ ОФЕРТА

FK-112/K1,3,10

17-бет 20 бетдан
07.08.2024 й.

- а) суғурта полиси;
б) юз берган воқеанинг ҳолатларини текширишни ўтказишга ваколати бўлган тегишли ваколатли органлардан ҳодиса сабаблари ва ҳолатлари кўрсатилган ҳолда маълумотнома;
в) ЙТХ иштирокчиларининг Суд-тиббиёт экспертизаси хулосаси нусхаси;
г) ЙТХ натижасида содир бўлган бахтсиз ҳодиса сабабли давслаш ёки тиббиёт муассасаси томонидан берилган Суғурта қилинган шахсларнинг меҳнатга вақтинча ёки доимий қобилиятсизлигини тасдиқловчи ҳужжатлари (Суғурталанган шахснинг касаллик тарихидан кўчирма, ТМЭК хулосаси ва ш.к.);

д) вафот этган тақдирда – Ўлим ҳақидаги гувоҳнома.

Ушбу Шартноманинг 7.2-бандига мувофиқ тақдим этилган ҳужжатларнинг асли улардан кўчирма нусха олинганидан ва тақдим этилган ҳужжатларнинг ҳақиқийлиги тасдиқланганидан кейин Суғурта қилдирувчига (ёки тақдим этган бошқа шахсга) қайтариб берилади.

7.3. Зарурат бўлганида, ҳодиса ҳолатларини аниқлаш ва/ёки зарар миқдорини белгилаш мақсадида Суғурталовчи суғурта товони тўлаш масаласини ҳал қилиш учун мазкур Бўлимда кўрсатилмаган бошқа ҳужжатларни ҳам талаб қилиш ҳуқуқига эга.

7.4. Мазкур воқеага тааллуқли барча ҳолатлар ўрганилганидан кейин Суғурталовчи содир бўлган воқеани суғурта ҳодисаси деб тан олиш ёки тан олмаслик ҳақида (ёки суғурта товони тўлашни рад этиш ҳақида) қарор чиқаради. Суғурталовчи юз берган воқеани суғурта ҳодисаси деб тан олган тақдирда, тўланиши лозим бўлган суғурта товони суммаси белгиланади ва у Суғурта ҳодисаси тўғрисида далолатномада кўрсатилади.

7.5. Агар воқеа юз берганлиги факти бўйича жиноят иши, фуқаролик иши ёки маъмурий жазо қўллаш тўғрисида иш қўзғатилган бўлса, Суғурталовчи тўланиши лозим бўлган суммани тўлаш ҳақидаги масалани ҳал қилишни ваколатли органлар томонидан тегишли қарор қабул қилиниши пайтига қадар кечиктириш ҳуқуқига эга.

7.6. Суғурта ҳодисаси юз берганлигини исботлаш ва зарар суммасини асослаш Суғурта қилдирувчи/ Наф олувчи зиммасига юклатилади.

7.7. Суғурта воқеасининг характери ва ҳолатларига боғлиқ равишда Суғурталовчи юз берган воқеани ушбу Шартноманинг 7-бўлимида кўрсатилган ҳужжатларнинг тўлиқ рўйхатини талаб қилмаган ҳолда суғурта ҳодисаси деб тан олиш ёки тан олмаслик ҳақида (ёки суғурта товони тўлашни рад этиш ҳақида) қарор чиқариш ҳуқуқига эга.

8-БЎЛИМ. СУҒУРТА ТОВОНИНИ ТЎЛАШ ТАРТИБИ

8.1. Ушбу Шартномага кўра Суғурта товони қуйидаги тартибда тўланади:

8.1.1. ТВ нобуд бўлганида ёки ўғирланганида – кўрилган зарар миқдорида, аммо Суғурта полисида кўрсатилган суғурта суммасидан ортиқ бўлмаган миқдорда, Якуний франшиза суммасини айириб ташлаган ҳолда тўланади.

8.1.2. Суғурталанган ТВ шикастланганида – моддий зарарни баҳолаш бўйича наряд-буюртма/ баҳолаш фаолиятини амалга ошириш учун лицензияга эга бўлган баҳолаш ташкилоти томонидан тузилган моддий зарарни баҳолаш учун калькуляция суммаси миқдорида, аммо Суғурта полисида кўрсатилган суғурта суммасидан ортиқ бўлмаган миқдорда, Якуний франшиза суммасини ҳисобга олган ҳолда тўланади.

Суғурталовчи суғурталанган ТВни Якуний франшиза шартларини эътиборга олган ҳолда суғурта товони ҳисобидан ўз ихтиёрига кўра таъмирлашни ташкил қилишга ва унинг ҳақини тўлашга ҳақли. Бунда суғурта товони тўлаш шаклини танлаш ҳуқуқи Суғурталовчида қолади.

1-махсус қўшимча шарт

Ушбу билан тарафлар мазкур Шартномага кўра Суғурта қилдирувчининг/Наф олувчининг/ Ҳайдовчининг суғурталанган транспорт воситасини эҳтимол қилинган ўзгартириш/ такомиллаштириш/яхшилаш/янгилаш билан боғлиқ барча харажатлари қопланмаслигини тасдиқлайди ва бунга рози бўлади.

2-махсус қўшимча шарт



«GROSS KASKO GOLD»
ТРАНСПОРТ ВОСИТАЛАРИНИ ИХТИЁРИЙ
СУҒУРТА ҚИЛИШ УЧУН
ОММАВИЙ ОФЕРТА

FK-112/K1,3,10

18-бет 20 бетдан
07.08.2024 й.

Ушбу билан тарафлар мазкур Шартномага кўра суғурталанган ТВнинг суғурта ҳодисаси ёки ҳар қандай зарар ва/ёки иқлим омиллари таъсири оқибатида товар кўриниши йўқотилишига оид харажатлар қопланмаслигини тасдиқлайди ва бунга рози бўлади.

8.1.3. Суғурталовчи Суғурта қилдирувчининг суғурталанган ТВни тиклашга оид амалга оширилган харажатлари асосида суғурта товони тўлаш ҳуқуқига эга, бунда Суғурта қилдирувчи томонидан ушбу Оферта 6.3-бандининг «г» кичик банди бажарилиши ва барча исбот қилинадиган ва зарур бўлган ҳужжатлар (шартнома, бажарилган ишлар тўғрисида далолатнома, тўлов топшириғи ва шу кабилар) тақдим этилиши шарт.

Суғурталовчи қуйидаги:

а) суғурта ҳодисаси келтириб чиқарган ва ҳужжатлар билан тасдиқланган, ТВни таъмирлаш жараёнида аниқланган яширин шикастланишларни бартараф қилиш билан боғлиқ;

б) суғурта ҳодисаси юзага келиши натижасида ТВга етказилган зарарни баҳолаш фаолиятини амалга ошириш учун лицензияга эга баҳолаш ташкилоти томонидан амалга оширилган баҳолаш билан боғлиқ;

в) шикастланган ТВни Тошкент шаҳри чегарасида ва Тошкент ҳалқа йўлидан ташқарида 10 километр чегарасида (агар Тарафлар томонидан алоҳида бошқа келишув бўлмаса) эвакуация қилиш билан боғлиқ харажатларни қоплайди ва/ёки хизматларни ташкил этади.

8.1.4. Суғурта қилинган ТВга суғурта ҳодисаси юз бериши оқибатида етказилган зарарни баҳолаш ва эвакуатор хизматлари бўйича харажатлар юзага келган тақдирда, суғурта товони сарфланган харажатлар миқдорида, аммо Суғурта полисида кўрсатилган суғурта суммасидан ортиқ бўлмаган ҳолда, қуйидаги тартибда тўланади:

Суғурталанган ТВга суғурта ҳодисаси юз бериши натижасида етказилган зарарни баҳолаш ташкилоти томонидан ўтказилган баҳолаш билан боғлиқ бўлган, ҳужжатлар билан тасдиқланган харажатлар суғурта ҳодисаси юз бериши кунига белгиланган битта базавий ҳисоблаш миқдори доирасида қопланади;

Шикастланган Суғурталанган ТВни, агар у суғурта ҳодисаси натижасида юрмайдиган ҳолда бўлса, турар жойигача (гаражгача) транспортировка (эвакуация) қилишга доир ҳужжатлар билан тасдиқланган харажатлар суғурта ҳодисаси юз бериши пайтига белгиланган иккита базавий ҳисоблаш миқдори доирасида қопланади.

8.1.5. Агар ушбу Шартномада суғурталанган ТВнинг суғурта суммаси ТВнинг суғурта қийматидан паст белгиланган бўлса, Суғурталовчи суғурта ҳодисаси юз берганида Суғурта қилдирувчига/Наф олувчига улар томонидан кўрилган зарарларни суғурта суммасини суғурта қийматига нисбатига мутаносиб равишда қоплаши шарт.

8.1.6. Суғурталанган ТВнинг олдинги шамол тўсадиган (олд томондаги) ойнаси предметларнинг урилиши ёки кулаши натижасида шикастланган ёки парчаланган тақдирда, Суғурталовчи томонидан тўланиши лозим бўлган суғурта товони суғурта суммасидан 2% (икки фоиз) миқдорда тўланади. Бунда мазкур ҳолат бўйича суғурта товони жами суғурта даври учун 1 (бир) марта ва ваколатли органлардан ҳужжатлар тақдим қилиш талаб қилинмаган ҳолда тўланади.

Суғурталанган ТВнинг олдинги шамол тўсадиган (олд томондаги) ойнаси шикастланиши ёки парчаланишининг бошқа ҳолатларида (шу жумладан ЙТХ, учинчи шахсларнинг ғайриқонуний хатти-ҳаракатлари ёки бошқалар натижасида) суғурта товони тўлаш масаласини кўриб чиқиш учун ваколатли органлардан суғурта ҳодисаси фактини тасдиқловчи ҳужжатлар талаб қилинади.

8.1.7. Жабрланганларга тан жароҳатлари ва/ёки моддий зарар етказилган тақдирда – Суғурта қилдирувчи/Наф олувчи/Ҳайдовчи томонидан жабрланганларга тан жароҳатлари ва/ёки моддий зарар етказилганлиги учун зарар миқдорида (ёки ваколатли орган томонидан белгиланган суммада), аммо Суғурта полисида кўрсатилган суғурта суммасидан кўп бўлмаган миқдорда тўланади.

8.1.8. Мажбурий ва ихтиёрий суғурта шартномалари бўйича жабрланган шахснинг мол-мулкига зарар етказилганлиги учун суғурта товони тўлаш бўйича мажбуриятлар юзага келган



«GROSS KASKO GOLD»
ТРАНСПОРТ ВОСИТАЛАРИНИ ИХТИЁРИЙ
СУҒУРТА ҚИЛИШ УЧУН
ОММАВИЙ ОФЕРТА

FK-112/K1,3,10

19-бет 20 бетдан
07.08.2024 й.

тақдирда, биринчи навбатда мажбурий суғурта шартномаси бўйича суғурта товони тўланади, мол-мулкка етказилган зарарнинг қопланмаган қисми ихтиёрий суғурта шартномаси бўйича қопланади. Бунда мажбурий ва ихтиёрий суғурта бўйича тўланган суғурта товонининг умумий суммаси жабрланган шахснинг мол-мулкига етказилган реал зарардан ошмаслиги керак.

8.1.9. Суғурта қилинган шахслар тан жароҳати олган тақдирда, суғурта тўлови Суғурта полисида кўрсатилган суғурта суммасига қуйидаги нисбатда тўланади:

(I) ўзи билан соғлиқни қисқа муддатли бузилишини ёки меҳнат қобилятини аҳамиятсиз даражада турғун йўқотилишини келтириб чиқарган ҳолда ҳам, чиқармаган ҳолда ҳам енгил даражада тан жароҳатлари учун – **суғурта суммасидан 5% миқдорда;**

(II) ўрта даражада тан жароҳатлари учун – **суғурта суммасидан 30% миқдорда;**

(III) оғир даражада тан жароҳатлари учун – **суғурта суммасидан 70% миқдорда;**

(IV) вафот этган тақдирда – **суғурта суммасидан 100% миқдорда.**

Ушбу Шартноманинг 2.3-кичик бўлими билан қопланадиган ҳар бир суғурта ҳодисаси бўйича ҳар бир Суғурта қилинган шахс учун суғурта тўловларининг умумий суммаси илгари тўланган суммаларни ҳисобга олган ҳолда Суғурта полисида кўрсатилган суғурта суммасидан ошмаслиги керак.

8.2. Суғурталовчи томонидан мазкур Шартнома 2-бўлимининг 2.1., 2.2., 2.3-кичик бўлимларида келишилган суғурта ҳодисаси юз берганида зарар ўрнини қоплаш учун амалга оширилган ҳар бир тўлов, агар Суғурта қилдирувчи томонидан суғурта суммасини тиклаш учун қўшимча суғурта мукофоти тўланмаса, мажбуриятлар лимитини бундай тўлов суммасига камайтиради.

Ушбу Шартноманинг 2.1-кичик бўлими бўйича суғурта товони тўланиши оқибатида Суғурталовчи мажбуриятлари лимитининг камайиши Ўзбекистон Республикаси Фуқаролик кодексининг 936-моддаси талабларини инобатга олган ҳолда мазкур Шартнома бўйича кейинги суғурта ҳодисаларига нисбатан суғурта товони тўлашга асос бўлмайди.

8.3. Суғурта товони Суғурталовчи томонидан Суғурта ҳодисаси тўғрисида далолатнома имзоланган пайдан эътиборан 15 (ўн беш кун) ичида Суғурта қилдирувчи/Наф олувчи/Учинчи шахсларнинг банкдаги ҳисобварағига пул маблағларини ўтказиш йўли билан, ушбу Шартноманинг 2.3-кичик бўлимида баён қилинган суғурта ҳодисаси юз берганида эса, Суғурта қилинган шахснинг шахсий ҳисобварағига пул маблағларини ўтказиш йўли билан, у вафот этганида эса унинг меросхўрларига тўланади.

8.4. Суғурталовчи томонидан Ҳайдовчининг айби билан юз берган суғурта ҳодисалари бўйича суғурта товони тўланганидан кейин Ҳайдовчига нисбатан Ўзбекистон Республикаси Фуқаролик кодексининг 957 ва 1001-моддаларида назарда тутилган қайта талаб қилиш ҳуқуқлари (суброгация ва регресс) қўлланмайди.

8.5. 2.1-кичик бўлими бўйича суғурта товони Наф олувчига тўланади.

8.6. 2.2-кичик бўлими бўйича суғурта товони жабрланганга (жабрланганларга) тўланади. Бунда агар Суғурта қилдирувчи/Наф олувчи/Ҳайдовчи Суғурталовчининг ёзма розилигига кўра жабрланганларга зарар ўрнини қоплаган бўлса, тўланиши лозим бўлган суғурта товони Суғурта қилдирувчига/Наф олувчига/Ҳайдовчига тўланади.

8.7. 2.3-кичик бўлими бўйича суғурта таъминоти бевосита Суғурта қилинган шахсларга ёки Ўзбекистон Республикасининг амалдаги қонунчилигига кўра уларнинг меросхўрларига тўланади.

8.8. Суғурталовчининг суғурта товони тўлашни рад этиш ёки тўлаш ҳақидаги қарори Суғурта қилдирувчига у суғурта товони тўлаш ҳақида ёзма мурожаат қилганидан кейин 15 (ўн беш) кундан кечикмай хабар қилиниши ва суғурта товонини тўлаш рад этилганида мазкур қарор рад этишнинг асосланган сабабларини ичига олиши керак.

8.9. Агар суғурта товони тўланганидан кейин ТВга зарар етказилганлиги муносабати билан Суғурта қилдирувчига/Наф олувчига ёки манфаатдор тарафга зарар ўрни айбдор ёки бошқа тараф томонидан қопланган бўлса ва/ёки қопланаётган бўлса, Суғурта қилдирувчи/Наф олувчи/Ҳайдовчи ўзига илгари тўланган суғурта товонини ушбу сумма миқдорида Суғурталовчига



қоплаши керак.

**«GROSS KASKO GOLD»
ТРАНСПОРТ ВОСИТАЛАРИНИ ИХТИЁРИЙ
СУҒУРТА ҚИЛИШ УЧУН
ОММАВИЙ ОФЕРТА**

FK-112/K1,3,10

20-бет 20 бетдан
07.08.2024 й.

9-БЎЛИМ. ТАРАФЛАРНИНГ ЖАВОБГАРЛИГИ

9.1. Тарафлар ўз зиммасига олган мажбуриятларни бажармаганлиги ёки лозим даражада бажармаганлиги учун Ўзбекистон Республикасининг амалдаги қонунчилигига мувофиқ жавобгар бўлади.

9.2. Суғурта қилдирувчига/Ҳайдовчига/Суғурталанган шахсларга/Учинчи шахсларга тўланиши лозим бўлган суғурта товонини тўлаш муддати ўтказиб юборилганлиги учун Суғурталовчи Суғурта қилдирувчига ҳар бир кечиктирилган кун учун муддати ўтказиб юборилган сумманинг 0,2% миқдорида, лекин ушбу шартнома бўйича тўланиши лозим бўлган сумманинг 50%идан кўп бўлмаган миқдорда пеня тўлайди. Пенянинг тўланиши суғурталовчини суғурта товонини тўлаш мажбуриятидан озод қилмайди.

9.3. Тарафлар Суғурта шартномаси бўйича ўз зиммасига олган мажбуриятларини бажармаганлиги учун, агар мажбуриятларни бундай бажармаслик энгиб бўлмайдиган куч ҳолатлари (форс-мажор) натижасида келиб чиққан бўлса, жавобгаргарликдан озод қилинади. Энгиб бўлмас куч ҳолатлари таъсирига учраган Тараф мазкур ҳолатларнинг юзага келганлиги ва уларнинг таъсири давом этиши эҳтимоли ҳақида бошқа Тарафни дарҳол хабардор қилиши шарт. Бунда форс-мажор ҳолатлар юзага келган тақдирда, тўланган суғурта мукофоти суғурта даврининг тугамаган қисми учун қайтарилади.

10-БЎЛИМ. НИЗОЛАРНИ ҲАЛ ҚИЛИШ ТАРТИБИ

10.1. Ушбу Суғурта шартномасида назарда тутилган масалалар юзасидан низолар, талаблар ёки келишмовчиликлар юзага келган тақдирда, тарафлар уларни музокаралар йўли билан ҳал қилиш чораларини кўради.

10.2. Ушбу Суғурта шартномасидан келиб чиқадиган, шу жумладан унинг ижро этилиши, бузилиши, тугатилиши ёки ҳақиқий эмаслигига тааллуқли низолар, келишмовчиликлар ёки талабларни музокаралар йўли билан ҳал қилиш мумкин бўлмаган тақдирда, улар Ўзбекистон Республикасининг амалдаги қонунчилигига мувофиқ ҳал қилиниши ва кўриб чиқиши лозим.

11-БЎЛИМ. БОШҚА ШАРТЛАР

11.1. Суғурта полисига киритиладиган барча ўзгартиш ва қўшимчалар, шунингдек, унинг амал қилишини узайтириш ёки тугатиш тарафларнинг розилиги билан ёзма кўринишда амалга оширилиши керак.

11.2. Тарафларнинг ушбу Офертада баён қилинмаган ўзаро муносабатлари Ўзбекистон Республикасининг амалдаги қонунчилиги билан тартибга солинади.

«Қабул қилиш»

«Бекор қилиш»